

ԱԿԱՆԱՎՈՐ ՊԱՏՄԱՐԱՆԸ ԺԱՄԱՆԱԿԱԿԵՑՆԵՐԻ ՆՈՒՇԵՐՈՒՄ

Նուշեր սովորաբար գրվում են գրականության և արվեստի նշանավոր գործիչների մասին: Իսկ ինչ վերաբերում է գիտնականներին, ապա նրանք հազվադեպ են դառնում հուշագրության «հերոսներ»: Դրա համար էլ մենք այսօր մեր հոջակավոր գիտնականների մասին քիչ հուշագրություններ ունենք ու եղածներն էլ հիմնականում ցրված են ժամանակի պարբերական մամուլի էջերում, փարբեր հեղինակների երկերում և այլուր: Դրանք ժողովելը և առանձին հարաբերակելը հրապարակելը դժվարին աշխատանք է: Այդ իսկ պարզապես նման ժողովածուներ մեզանում գրեթե չեն սրելովել, որոնք նվիրված լինեին գիտության այս կամ այն երախտավորի կյանքին ու գործունեությանը:

Նայ իրականության մեջ նման վերաբերմունքի թերևս առաջինն արժանանում է ակադավոր պարմարան, ԽՍՀՄ ԳԱ ակադեմիկոս, ՆԽՍՀ ԳԱ հիմնադիր անդամ, գիտության վաստակավոր գործիչ, պարմական գիտությունների դոկտոր, պրոֆեսոր Նակոր Նամագասպի Մանանդյանը, որին նվիրված հուշեր արժեքավոր ժողովածուն¹ լույս է ընծայվել վերջերս: Այն կազմել ու փագագրության է պարմասրել ԵՊՆ հայոց պարմության ամբիոնի պրոֆեսոր, պարմական գիտությունների թեկնածու Պերրոս Նովհաննիսյանը:

Ն. Մանանդյանը մեր նորագույն շրջանի պարմագրության ու բանասիրության երախտավորներից մեկն է: Նա, գիտական ասպարեզ իջնելով անցյալ դարի սկզբներին, իռշտագույն հայագետներ Գալուստ Տեր-Մկրտչյանի (Միաբան), Մանուկ Աբեղյանի, Գարեգին Նովսեփյանի, Նիկողայոս Ադունցի, Նրաչյա Աճառյանի և այլ կարկառուն դեմքերի հերմեկրել կարողացել է հայագիտությունը բարձրացնել մի նոր մակարդակի և դրանով իսկ իր մնայուն ու պարմավոր փողն զբաղեցնել նրանց շարքում: Նրա թողած գիտական հարուստ ժառանգությամբ կրթվել ու դասարիարակվել են հագարավոր երիտասարդ պարմաբաններ ու բանասերներ ոչ միայն մայր հայրենիքում, այլև արերերկրում: Նրա փաստարից դասախոսությունները համակ ուշադրությամբ են լսել Երևանի պերական համալսարանի ուսանողության առաջին սերունդները, որոնցից շարերը հերագայում դարձել են մեծանուն գիտնականներ, պերական ու մշակութային նշանավոր գործիչներ:

Ն. Մանանդյանը ծնվել է 1873 թ. նոյեմբերի 22-ին Ախայցիայում, ուր Կարապետյան վարժարանում սրացել է նախնական կրթություն, ապա 1883-1893 թթ. ուսումնառությունը շարունակել է Թիֆլիսի առաջին գիմնագիայում, այնուհետև բարձրագույն կրթություն է սրացել Գերմանիայում՝ ուսանելով Ենայի, Լայպցիգի և Սրրասբորգի համալսարաններում, իսկ 1898 թ. Էքսերոն կարգով ավարտել է նաև Սանկտ Պերերբուրգի համալսարանի արևելյան լեզուների ֆակուլտերը: Նարուստ գիտելիքներով վերադառնալով հայրենիք՝ շուրջ հինգ փարի (1900-1905 թթ.) աշխատել է Էջմիածնի Գետրգյան ճեմարանում՝ ծավալելով գիտամանկավարժական բեղուն գործունեություն, ապա 1906-1907 թթ. պաշտոնավարել է Թիֆլիսի առաջին և երկրորդ գիմնագիաներում ու Ներսիսյան դպրոցում, որից

¹ «Ժամանակակիցները Նակոր Մանանդյանի մասին», հրապարակության պարմասրեց Պ. Ն. Նովհաննիսյանը, Եր., ԵՊՆ հրապ., 2010, էջ 254:

հեկտո կրկին էքսպորտը կարգով հանձնելով քննություններ՝ 1909 թ. ավարտել է Դորպատի համալսարանի իրավաբանական ֆակուլտետը և աշխատանքի մեկնել Բաքու, ուր շուրջ մեկ տասնամյակ զբաղվել է փաստաբանությամբ և եղել երդվյալ հավատարմարար: Այդ ընթացքում նա դասախոսել է նաև ժողովրդական համալսարանում (1911-1913 թթ.), այնուհետև՝ 1915-1919 թթ., առևտրական դպրոցում:

Հայաստանի առաջին Հանրապետության կառավարության կողմից 1919 թ. դեկտեմբերին Ն. Մանանդյանը հրավիրվել է Երևանի նորաստեղծ համալսարան և նշանակվել դասախոս, ապա պարմալեզվաբանական ֆակուլտետի դեկանի պաշտոնակատար, իսկ խորհրդային կարգերի հաստատումից հետո ընտրվել է ռեկտոր²: Նա իր ռեկտորության կարճատև շրջանում ամեն ինչ արել է համալսարանում նոր ֆակուլտետներ բանալու և բարձրագույն կրթության հիմքերն ամրապնդելու ուղղությամբ: Այդ օրերին գրած իր նամակներից մեկում նա հեղինակել է ասում. «...Ես ապրում եմ միայն համալսարանի սրտ-ծագործական գաղափարով, որ համարում եմ այս երկրի համար ամենակարևոր գործը և՛ վերաշինության, և՛ վերածնության միակ ուղիղ ճանապարհը: Իմ ամբողջ կյանքը միմիայն կապված է համալսարանի հետ, ուրիշ այլ բովանդակություն ու ընթացք մեր կյանքը չէ ունեցել»³:

Ռեկտորությունից հետո ևս Ն. Մանանդյանը աշխատել է համալսարանում, եղել արևելագիտության և պարմազրական ֆակուլտետների դեկան՝ միաժամանակ հիմնադրելով ու վարելով հայ ժողովրդի պարմության ամբիոնը: Նա համալսարանում վարչական ու գիտականակառավարչական աշխատանք է կատարել մինչև 1931 թ., որից հետո անցել է զուտ գիտական գործունեության:

Ն. Մանանդյանի կենսագրական այս տեղեկությունները մենք քաղում ենք նրա հուշերի ներկա ժողովածուի բացող «Հայագիտության երախտավորը» վերաբերության առաջաբանից, որի հեղինակն է գիրքը կազմող և հրատարակության պատրաստող Պ. Հովհաննիսյանը: Ճանաչված պարմաբանն իր այդ ներածականում հակիրճ կերպով ներկայացնում է նաև Ն. Մանանդյանի հետագա գործունեությունը ՂԽՍՀ ԳԱ համակարգում, անդրադառնում է նրա թողած գիտական հարուստ ժառանգության կարևորությունը հին և միջնադարյան Հայաստանի պարմության ու մշակույթի ուսումնասիրության համար, փորձում վերհանել նրա ավանդը հայ պարմագրության զարգացման գործում:

Ն. Մանուկյանն ապրել ու սրտեղծագործել է հասարակական-քաղաքական կյանքի չա-

2 Մինչև 1989 թ. մայիսի 15-ը խորհրդային իրականության մեջ այն տեսակետն էր արժանապատիվ, որ ԵՊՀ առաջին ռեկտորը եղել է Ն. Մանանդյանը: Սակայն, նշված օրը տեղի ունեցած գիտաժողովում, որը նվիրված էր Մայր կրթօջախի հիմնադրման տարեթվի ճշգրտմանը, վերջնականապես վերականգնվել է այն իրողությունը, որ Երևանի համալսարանը ստեղծվել է 1919 թ. մայիսի 16-ին, և նրա առաջին ռեկտորը եղել է նշանավոր իրավաբան, պրոֆեսոր Յուրի Դամբարյանը (1850-1926): Իսկ Ն. Մանանդյանը եղել է Հայաստանում խորհրդային կարգեր հաստատվելուց հետո այդ համալսարանի հիմքի վրա 1920 թ. դեկտեմբերի 17-ին վերականգնված Երևանի ժողովրդական համալսարանի առաջին ռեկտորը, որ ընտրվել է 1921 թ. հունվարի 2-ին նորակազմ խորհրդի անդրանիկ նիստում փակ (զաղտնի) քվեարկությամբ, և այդ պաշտոնը վարել է մինչև նույն տարվա հոկտեմբեր ամիսը: Ի դեպ, ԵՊՀ ռեկտորներից միայն Ն. Մանանդյանն է, որ ըստ կանոնադրության այդ պաշտոնն զբաղեցրել է ընտրությամբ: Ներառալ, մինչև անցյալ դարի վերջերը, ռեկտորները նշանակվել են ՂԽՍՀ բարձրագույն և միջնակարգ մասնագիտական կրթության պետական կոմիտեի, ապա այդ կոմիտեն մինիստրությամբ փոխարինվելուց հետո՝ վերջինիս կողմից:

3 Տե՛ս «Ժամանակակիցները Հակոբ Մանանդյանի մասին», էջ 3 (այսուհետև սույն գրքի էջերը կնշվեն շարադրանքի մեջ՝ փակագծերում):

փազանց բարդ ու ալեկոծություններով լի մի ժամանակաշրջանում, երբ Կրեդիտն ունեցել Առաջին աշխարհամարտի ու Տայոց մեծ Եղեռնը, ապա դրանց հաջորդել են մի շարք խոշոր հեղափոխումներ, որոնց ականապես ու վկան է եղել նա, հեղափոխում՝ նաև մասնակիցը իր ժողովրդի կյանքում Կրեդիտն ունեցած բոլոր իրադարձությունների, որոնցից մեկն էլ Երևանի պետական համալսարանի հիմնադրումն էր, որի մեջ անուրանալի է նրա ավանդը: Թե՛ համալսարանում աշխատելու փորձերին էլ թե՛ դրանից հետո, ընդհուպ մինչև իր մահը (1952 թ. փետրվարի 4-ը), Ն. Մանանդյանը ծավալել է գիտահեղափոխական բեկումն գործունեություն է ունեցել է լայն շրջապատ, նաև՝ աշխատանքային անվանի գործընկերներ, հանդիպել է երևելի գիտնականների ու արվեստագետների հետ, շրջապատված է եղել ուսանողներով ու երիտասարդ հեղափոխողներով, որոնցից ոմանք հեղափոխում գրել են իրենց հուշերն ու փառաբանությունները այդ ժրջանի գիտնականի ու անգուցական ուսուցչի, առաքինի մարդու, մեծ անհատականության մասին: Դրանց մի զգալի մասը ժամանակին փախցրվել է մամուլում թե՛ Տայասարում էլ թե՛ Սփյուռքում, իսկ մի քանիսն էլ մնացել են անփայ:

Ներկայացվող ժողովածուում ամփոփված են հրապարակի վրա եղած ու արխիվներում պահպանվող այդ հուշագրությունները, որոնք թվով 18-ն են, իսկ հեղինակները՝ 16-ը: Նրանցից մեկը՝ Կրեդիտական գիտությունների թեկնածու Արսեն Մանանդյանը, որ պատմաբանի կրթությամբ եղբայրն էր, գրքում ունի երեք նյութ, որոնցից միայն մեկը կարելի է հուշ համարել, որ նա գրել է իր եղբոր մահվան հինգերորդ փորձից կապակցությամբ, իսկ մյուս երկուսը վերաբերում են գիտնականի բնավորության բնորոշ գծերի վերհանմանն ու աշխատությունների բնութագրմանը:

Մյուս հուշագրողները փարբեր մասնագիտությունների Կրեդ, հասարակական-քաղաքական ու կուսակցական փարբեր հայացքներ ունեցող անձիք են, որոնցից են, օրինակ՝ հոգևավոր լեզվաբան Հրաչյա Աճառյանը, խոշոր պատմաբաններ, ԽՍՀՄ ԳԱ ակադեմիկոս Բորիս Գրեկովը, ՆԽՍՀ ԳԱ ակադեմիկոսներ Աշոտ Հովհաննիսյանը, ճարտարապետ Վարազդատ Հարությունյանը, ՆԽՍՀ ԳԱ թղթակից անդամ, պատմաբան ու հնագետ Մորուս Հասարթյանը, գիտությունների թեկնածու Վազգեն Ոսկանյանը, ՀՅԴ կուսակցության երևելի գործիչներ Սիմոն Վրացյանն ու Ռուբեն Դարբինյանը, եկեղեցական-հասարակական գործիչ Արսեն ավագ քահանա Սիմոնյանը, պրոֆեսորներ՝ լեզվաբան Հովսեփ Կուսիկյանը, թարգմանագետ-արվեստագետ Գառնիկ Սյրեփանյանը, գրականագետ Հովհաննես Ղանալանյանը, սփյուռքահայ ճանաչված մտավորականներ Գառնիկ Գյուլալյանն ու Աշոտ Արծրունին, մանկավարժ Հակոբ Մխիթարյանը: Նշված հեղինակներից շատերը Ն. Մանանդյանին ճանաչել են մոտիկից, ոմանք եղել են նրա հայրենակիցները, աշխատել են նրա հետ, ունեցել են սերտ հարաբերություններ էլ կամ եղել են նրա սաները Երևանի համալսարանում ու այլ կրթօջախներում, լսել են նրա դասախոսությունները ու դրանց փառաբանությունների փակ գրել իրենց սրբառու հուշերը:

Հարկապես ջերմ ու անմիջական են Ն. Աճառյանի հուշերը, որոնք վերաբերում են Ն. Մանանդյանի հետ միասին Էջմիածնի Գեորգյան ճեմարանում աշխատելու փորձերին, երբ նրանք համարել ուժերով հրապարակության են պարտասերել «Տայոց նոր վկաները» արժեքավոր ժողովածուն, որն ընդգրկում է Էջմիածնի մարտնչաբանում պահվող 1155-

1843 թթ. ձեռագրերի հայկական վկայաբանական գրականության քննահամեմատական բնագրերը՝ ընդարձակ տեղեկություններով ու անհրաժեշտ ծանոթագրություններով, ինչպես նաև հափուկ անունների ու օտար բառերի բացատրական ցուցակներ ու ցանկեր: Ն. Աճառյանի վկայությամբ Մանանդյանն Էջմիածնում մանկավարժական գործունեությանը զուգընթաց ժրջանորեն զբաղվել է ձեռագրերի ուսումնասիրությամբ, ծրագրել է մի մենագրություն գրել հայ մշակույթի մասին: Նա այդ տարիներին եղել է նաև «Արարատ» հանդեսի խմբագրի տեղակալ ու ծավալել է խմբագրական-հրատարակչական լայն գործունեություն, կապեր հաստատել հայագիտական այլ պարբերականների խմբագրությունների հետ, աշխատակցել նրանց:

Ժողովածուում ընդգրկված նյութերի մի զգալի մասը ժանրային առումով հուշեր չեն, այլ գնահատանքի խոսքեր են, ակնավոր հայագետի գործունեությունն ու գիտական վաստակը վերհանող ու արժևորող հոդվածներ, որոնք գրվել են տարբեր առիթներով, հատկապես գիտնականի ծննդյան ու մահվան տարելիցների ու հոբելյանների կապակցությամբ: Իսկ բուն հուշերը մեծ թիվ չեն կազմում և հիմնականում վերաբերում են Ն. Մանանդյանի կյանքի ու գործունեության ուշ շրջանին: Իսկ նրա կյանքի վաղ տարիների մասին հուշեր գրեթե չկան, եղածներն էլ փոքրիկ ծվեններ են, որ տեղ են գտել իր եղբոր գրած նյութերում:

Ինչն է. ներկա ժողովածուն բավական լայն պարկերացում է տալիս Ն. Մանանդյանի մասին: Բոլոր հուշագիրները նրան բնութագրում են որպես պարթևահասակ ու վայելուչ արտաքինով և վերին աստիճանի կիրթ ու լայն մտածողությամբ ունեցող, հարուստ գիտելիքներով օժտված անհատականություն, որը կյանքում ու կենցաղում եղել է չափազանց պարզ ու հասարակ, ազնիվ ու շիտակ, միշտ զուսպ ու լուրջ, իր էությանը բարի ու համեստ, սակայն նաև խստաբարո ու պահանջկոտ: Նա եղել է վերին աստիճանի ճշտապահ ու պարտաճանաչ, աշխատասեր ու բարեխիղճ, արդարամիտ ու արդարադատ: Նրա շարժումների ու գործելակերպի մեջ երբեք ցուցամոլություն չի նկատվել: Նա եղել է նաև բարձր կուրտուրայի տեր անգուգական դասախոս, որն իր սաներին հարուստ գիտելիքներ տալուց զուրկ, նրանց հոգիներում սերմանել է խոր հայրենասիրություն: Այդ է վկայում նրա համալսարանական սաներից մեկը՝ Ա. Արծրունին, որ գրում է. «Իր ուսանողներուն համար Մանանդյանը պարմաբան և դասախոսն ավելի, կենդանի և արդեն գաղափարի առաքյալ մը: Ան գաղափարախոսն էր ջերմ հայրենասիրության և Նայասարանի անկախության: Այդ գաղափարները վրանբաց չէր քարոզեր, սակայն կհասկցներ ու զգալ կուրար ամեն անգամ, երբ իր դասախոսած նյութը կհարկադրեր զինքը «փոքրիկ շեղում մը կատարելու»... Բայց օր մըն ալ Ն. Մանանդյան ներկայացավ ուսանողներուն իր բարոյական ողջ բարձրությամբ և գաղափարական վսեմ խոյանքով» (էջ 59): Նեղինակն այնուհետև վերհիշում է Ն. Մանանդյանի՝ իրենց կուրսում դրանից երեսուն տարի առաջ՝ 1922 թ. մայիսի վերջերին կարդացած դասախոսությունը, որն ակնավոր գիտնականն ավարտել է հետևյալ խոսքերով. «Դուք տեսաք, - ըսավ ան, այս անգամ շեշտակի նայելով մեր ուսանողներուն, - որ հայ ժողովուրդն իր պարմության ամբողջ ընթացքին միշտ էլ պայքարել ու վերականգնել է իր երկրի անկախությունը: Եւ ես համոզված եմ, որ այս անգամ էլ ես կթոթափի օտար լուծը ու կվերստանա մեր հայրենիքի անկախությունը...: Մագնիսացած ուսանողությունը պահ մը քար լուծություն պահեց ու ապա որոտընդոստ ծափահարությամբ ողջունեց իր սիրած պրոֆեսորին վերջին խոսքերը» (էջ 62):

Ն. Մանանդյանի կյանքից առնված նման բնութագրական և ուսանելի դրվագներ շարք կան սույն գրքում, որոնց կարելի է ծանոթանալ հուշերն ընթերցելով: Ի դեպ հուշերում հիշարարկվում են նաև այլ երևույթի դեմքեր ու նրանց հետ կապված դեպքեր, որոնք կարող են պիտանի լինել նրանց կենսագրություններն ամբողջացնելու համար: Անհրաժեշտ է նշել նաև, որ ժողովածուում զգալի թիվ են կազմում պարմաբանի գիտական ժառանգությանը նվիրված նյութերը, որոնք գրքում ներկայացված են ժամանակագրական կարգով: Դրանցից հարկապես աչքի են ընկնում Աշ. Նովիանինյանի, Բ. Գրեկովի, Մ. Նասրաթյանի, Գ. Գյուլալյանի և այլոց գրչին պարկանող ակնարկները, որոնցում նրանք մեկ անգամ էս փորձ են անում վերլուծելու և գնահատելու Ն. Մանանդյանի մի շարք հիմնարար աշխատությունները, որոնք հայագիտության մնայուն արժեքներից են: Նույնազիլները հարկապես բարձր են գնահատում հայ պարմագրության երախտավորի «Քննական փնտրություն հայ ժողովրդի պարմության» բազմափուլային աշխատությունը, որն ընդգրկում է Նայասարանի Բ. ծ. ա. Զ - Բ. հ. ԺԵ դարերի ամբողջական պարմությունը, որը, ցավոք, մնացել է անավարտ: Նրանք միաժամանակ անդրադառնում են Ն. Մանանդյանի «Նայասարանի պարմությունը թուրք-թաթարական պարերագմների շրջանում» (1922 թ.), «Նյութեր Նին Նայասարանի փնտրական պարմության» (երկու մասով, 1927-1928 թթ.), «Նունարան դպրոցը և նրա զարգացման շրջանները» (1928 թ.), «Նայասարանի առևտրի ու քաղաքների մասին» (1930 թ.), «Նշիտները և չափերը հնագույն հայ աղբյուրներում» (1930 թ.), «Ֆեոդալիզմը Նին Նայասարանում» (1934 թ.), Նին «Նայասարանի գլխավոր ճանապարհները ըստ Պետրիկոսյան քարտեզի» (1936 թ.), «Տիգրան Բ-ը և Նոմը» (1940 թ.), «Նայասարանի քաղաքները X-XI դարերում» (1940 թ.), «Մերոպ Մաշտոցը և հայ ժողովրդի պայքարը մշակութային ինքնությունության համար» (1941 թ.), «Նամաթուր փնտրություն Նին Նայասարանի պարմության» (1943 թ.), «Գամնիի հունարեն արձանագրությունները և Գամնիի հեթանոսական փաճարի կառուցման ժամանակը» (1946 թ.), «Նայ գրերի գյուրի փարերվի հարցի շուրջը» (1952 թ.) մենագրություններին ու այլ մանր ու խոշոր աշխատություններին, որոնց ընդհանուր թիվն անցնում է 150-ից: Դրանց մի զգալի մասը ժամանակին տպագրվել են նաև ռուսերեն ու եւրոպական մի քանի լեզուներով: Նեղիմակներն, անդրադառնալով այդ ամենին՝ ցույց են տալիս նաև հայ պարմագիտության զարգացման գործում դրանց խաղացած հսկայական դերը:

Գիրքն ունի նաև «Նավելվածներ» բաժին, ուր առաջինը զեպեղված է «Նակոբ Մանանդյանն ինքն իր մասին» վերաբերությամբ ելույթը, որը մեծանուն գիտնականի պարասխան խոսքն է՝ ասված իր ծննդյան 75 և գիտական գործունեության 50-ամյակներին նվիրված հանդիսավոր նիստի ժամանակ, 1948 թ. դեկտեմբերի 2-ին:

Շոբեյարը, շնորհակալություն հայտնելով իրեն նվիրված հոբելյանական նիստ գումարելու և մեծարելու առթիվ, միաժամանակ համառորդ ներկայացնում է իր գիտահետազոտական աշխատանքների ընդհանուր պարկերը: Այդ պարասխան խոսքում նա անում է նաև մի շարք դիտողություններ ու առաջարկություններ՝ ուղղված երիտասարդ պարմաբաններին, Նայասարանի և հայ ժողովրդի պարմության չուսումնասիրված հիմնահարցերը վերհանելու և դրանք մեկնաբանելու համար: Ակադեմիկոս Ն. Մանանդյանի այդ դիտողությունները ուսանելի դասեր են և այսօր, ավելի քան վեց տասնամյակ անց, չեն կորցրել իրենց

գիտական արժեքն ու կարևորությունը: Որպես ասվածի վկայություն, այդ խոսքից բերենք մի փոքրիկ հատված. «Մեր երիտասարդ գիտնականները պետք է նկատի ունենան,- ասում է նա,- որ հայ ժողովրդի պատմությունն անհրաժեշտ է ուսումնասիրել և շարադրել ոչ թե նախկինում եղած կարծիքները կոտորեն ներմուծելով և կուրակելով, այլ բուն սկզբնաղբյուրների հաղորդած նյութերի նորովի վերլուծությունների հիման վրա, որ հնարավորություն կտա նորապես լուծել հին խնդիրները և անաչառորեն լուսաբանել հայ ժողովրդի պատմության բազում դրվագներ» (էջ 170): Թվում է, ծերունագարդ պատմաբանի այս հորդորը վերաբերում ոչ միայն իր ժամանակի ու այսօրվա, այլև գալիք հեղափոխողներին:

Նիշյալ բաժնի մյուս հրապարակումը ճանաչված պատմաբան Դևորոս Նովիանինյանի կազմած՝ Ն. Մանանդյանի կյանքի ու գործունեության և նրա հեղինակած աշխատությունների մասին մամուլում և այլուր տպագրված հոդվածների ու գրախոսությունների նոր, համարված մատենագիտական ցանկն է: Չնայած Ն. Մանանդյանի և նրա երկասիրությունների ու դրանց արձագանքների մասին տպագրվել են մի շարք ցանկեր, ինչպիսիք են, օրինակ, Լ. Մելիքսեր-Բեկի, Ե. Վրասյանի ու Ռ. Բաբաջանյանի, Լ. Բաբայանի և Վ. Նակոբյանի կազմածները, սակայն դրանց մեջ սույն ցանկը, որ այսօրվա լույս է տեսնում երկրորդ անգամ⁴, առավել ամբողջական և կարևոր աղբյուր կարող է հանդիսանալ ականաւոր պատմաբանի կյանքն ու գործը համակողմանիորեն ուսումնասիրելու համար:

Ժողովածուն եզրափակվում է «Նուշագրողների բառարան»-ով, որ կենսագրական հակիրճ, բայց և անհրաժեշտ ու կարևոր տեղեկություններ են բերված հուշերը գրող հեղինակների մասին՝ նշելով նրանց ծննդյան ու մահվան թվականները, սրացած կրթությունը, մասնագիտությունը, հաճախ՝ նաև գրադեցրած պաշտոնները և այլն, մի բան, որ ավելի է բարձրացնում սույն գրքի գիտական արժեքը և հարստացնում է բովանդակությունը: Իսկ ծանոթագրություններում, որ դարձյալ պարկառու են կազմողի գրչին, ցույց են տրված հեղինակների կապն ու առնչությունները Ն. Մանանդյանի հետ, հուշերի գրության ժամանակը և առաջին անգամ դրանց տպագրվելու տեղը և այլն: Ծանոթագրություններում հաճախ ուղղված են հուշերում սպրդած սխալներն ու անճշտությունները: Կարևոր են նաև հուշերում հիշատակված անձանց, դեպքերի ու իրադարձությունների, թվական տվյալների մասին տրված տեղեկություններն ու բացատրությունները, որոնք, կարծում ենք, մերօրյա ընթերցողների համար կարևոր ուղեցույց կարող են լինել շուրջ մեկ դար առաջ տեղի ունեցած դեպքերի ու գործած դեմքերի մասին: Այս ամենը մենք նշում ենք ցույց տալու համար, թե կազմողը ինչպիսի ջանադիր ու դժվարին աշխատանք է կատարել սույն ժողովածուն գիտական պարշաճ մակարդակով ընթերցողներին ներկայացնելու գործում: Միայն ուզում ենք անել մի դիտողություն, որը վերաբերում է «Ծանոթագրություններ» և «Նուշագրողների բառարան» բաժինների տարանջատվածությանը: Մեզ թվում է կարելի էր այդ երկու բաժինները միավորել և ներկայացնել միասին, մի ընդհանուր վերաբառությամբ, ուր սկզբից ներկայացվեին հուշագրողների մասին անհրաժեշտ տեղեկությունները, ապա դրանից հետո տրվեին ծանոթագրությունները: Գրքում տեղ են գտել նաև սխալներ ու վրիպումներ,

4 Առաջին անգամ տպագրվել է նույն հեղինակի կազմած «Նակոբ Մանանդյան. Կենսամատենագիտություն» (Եր., Երևանի համալսարանի հրատ., 1981) գրքում.
տեսն էջ 56-73:

որոնք վերաբերում են Ն. Մանանդյանի աշխատությունների վերնագրերին: Օրինակ՝ միևնույն վերնագիրը պարբեր փոփոխում պարբեր ձևերով է ներկայացված, որոնք կարելի էր փոխարկելով ուղղել: Կան նաև սրբագրական ակնհայտ վրիպումներ, օրինակ՝ գրքի 8-րդ էջում տպագրված մի վերնագրի մեջ Գառնիի հերթանոսական փաճարը դարձել է «հերթանոսական փաճար», որը հաճելի չէ:

Ինչևէ, ավարտելով նշենք, որ քննարկող լայն հասարակության սեղանին է դրվել ակադեմիկոս պատմաբանին նվիրված հուշերի մի ժողովածու, որը ոչ միայն ամբողջացնում է մեծ գիտնականի կյանքի ու գործունեության նկարագիրը, այլև հարգանքի մի փուրք է, երախտի մի անթառամ պսակ նրա հիշատակին:

ՎԱՏԱՆ ՄԱՂԱՅԱՆ
բանասիրական գիյ. թեկնածու